

89 /
1999 / 2



ქართული
ენების ინსტიტუტი



სწ. საქართველოს
გუგუშაძე ანდრეას
ყოველგვარად
სახელმწიფო-საღიბო
რეპუბლიკა: ქუჩისა

ნ° 3

1922წ.



ტფილისი:



ი. გრიშაშვილი
კოტე მაყაშვილი
დუტე მეგრული
ია ევალაძე
შალვა დიდიანი
ვ. აბაშიძე

ჩემს მამას
პათოსუბი
შენ გიყვარს დედა
სასამართლოში
ვასო აბაშიძე

ასალი საქართველო და ქოვრ. შემოქმედება

ვასო აბაშიძის პორტრეტი
სქოლევნიშის მაცდინი





ი. მკიშაშვილი

ჩემს მამას

იწოდებოდით: „ცაცია გრიშად“.
გიყვარდა მხოლოდ ქალი და კრივი.
და თუმცა ცოლები გყავდა დავრიშად,
მაგრამ ყოველთვის იყავი ქვრივი.
როცა სერავდი მწვადებს ანაგებს:
შენ ღვინის სმის დროს არ იყავ ლოთი;
კრივში ჰხიბლავდა შენს ამხანაგებს;
მკლავი ცაცია, თავი მელოტი.
შენი მიზანი, შენი საგანი
იყო სიმართლის შექმნა ნამდვილად,
და იყავ ერთი იმართაგანი,
ვინც სიამაყეს ჰგზავნის მარტვილად.
და მეც შენსავით ხალხს ტლანქს და ზარმაცს
ჩემი თათმანი მივე გირაოდ,
არხიმედევით ვეძებ აზარმაცს,
რომ დედამიწა ავაყირაო!
ასეთ ბრძოლაში ჩემ სულს რა მოღლის,
მან დრო და სივრცე ბრძოლით განჭვრიტა,
და თუ შვილი ვარ მე ყარაჩოღლის:
ჩემს კალამს მუდამ ექნება დვრიტა.
როცა შენს გრძნობას ლექსებს ვატანდი,
მამავ, მტერს ჰკლავდა სიტყვა წყობილი,
და ეხარობ, რომ ვარ მე პროტესტანტი,
ვიდრე აღსავსე და კმაყოფილი.
და თუ სიცოცხლემ მეც გამაბრაზა,
და თუ გამივა ალერსის ყველი:
წერტილის ნაცვლად დამრჩება ფრაზა
და ჩემს მგოსნობას სხვას შევასწავლი.

კ. მკიშაშვილი

პათოსები

დაიწვა სანთლები... დარბაზი დაბნელდა.
ნადიმი დასრულდა... ხურავენ კარს!
დამძიმდა ჰაერი, სურნელი განელდა,
წყვედიანი ბროლის კოშკს ეხვევა გარს!..
ფიქრები მისდევენ იმედსა მწუხარედ,
ვით მგლოვიარენი ძვირფასსა მკვდარს.
ოცნება-კოცონი, მგზნებარე მქუხარედ,
მიუჟღა... მიუჯდა კვამლიან კვარს!..
გვირგვინი ეხურათ... ოქსინო ეფარათ...
მსწრაფლ მიუახლოვდნენ მიღწევის თხემს,

ბორძიკი!.. დაქანდნენ, შემოკრბენ ერთ ფარად,
ეძებენ უფსკრულში ჩაჩეხილ მწყემსს!..
და ეხლა მისდევენ... მისდევენ მწუხარედ,
ვით ჰგლოვიარენი ძვირფასსა მკედარს.
დაფერფლდა კოცონი, მგზნებარი მქუხარედ,
ოცნება მიუჯდა კვამლიან კვარს!..
მივიღეთ ბარათი საძილოდ წვევისა;
ნუ ვებლაუჭებით შიშისგან ხავსს.
ღრო არის განქრობის... არაფრად ქცევისა
და ნულარ ვატყუებთ უგნურად თავს!
არც ვიძენთ, არც ვკარგავთ... მქუხარეს უაზროდ
ცხოვრებას ვუზურგოთ, მოსაწყენს, ნავსს!
ჩავიდეთ კიდევ, მოვმართოთ უსაზღვრო
წირვანის მკერდზედა მთვლეშარე ნავს!..
ფანჯრიდან ჭიკჭიკი ხმა ტკბილი მომესმა
გულის წყლულს მალამოდ მომეცხო, მომესვა.
„შენა ხარ, ჩიტუნი, დაიკო ფრთოსანო,
ცად მახეტილე გაისის მგოსანო?!—
„ჰო, მე ვარ! ღამისა მყვირალა დარდები
დამხე მიწაზე, წამოხტი ზე!
გააღე ფანჯარა, ახადე ფარდები
ოთახში და გულში შეუშვი მზე!..
წამოვხტი, გავქანდი!.. მოვგლიჯე ფარდები.
გაუღე ფანჯარა სტუმარსა ტკბილს
შემეჭრნენ გულში მე სხივთ იავარდები,
ვგრძნობთ იმათ ამბორსა სუნნელსა, თბილს.
ვივსები სინათლით, ტიტანის ძალითა,
მთელდება გული და მწარედ არ სწუხს.
მიმქრალი თვალები მენთება ალითა,
ძარღვებში ხმაურობს სისხლი და სდუღს!
წარნარი ლაქვარდის ფირუზი-ქვევლები
მეხვივნენ, მიბანენ გაღელილ მკერდს.
ცამ გამომიგზავნა ზავისა მძევლები
შევრიგდეთ!.. დიდება დილისა ღმერთს!
გამარჯობა ჩიტუნიავ! გმადლობ, ჩემო კარგო!
რომ იცოდე შენმა ნახვამ ჩემ სულს როგორ არგო!
ღამის სევდამ გულს ჩამასო თვისი კლანჭი მჭრელი
მომისია ექვის გველი, ტვინის მწოველ-მხვრელი
მე ოცნებას მიღრჩობს ღამე!.. ჰაერი არ მყოფნის!..
მიმწარდება, მიშხამდება სიტკბოება ყოფნის.
ეხლა კი მწამს, რომ ხარ ცისა სანატრელი გზირი
აღმადგინე... სიცოცხლისკენ კვლავ იბრუნე პირი!..
მოაღერსე თვალებითა შემომხედა სირმა.
შეფრთხილდა. მზის სხივები ტურფად მოისირმა,
მოწყრიალე, ვერცხლის ხმითა მან მოსძაფა არე:
გამიშალა თვალწინ ბგერა და ფერადთა მხარე!

გამიტაცა... აღმიტაცა!.. და მივფრინავ მეცა.
 მალლა, მალლა, მალლა... ქვევით დამრჩა ზეცა
 მივსრიალებ სულის სხივად, აღარა ვგრძობ სხეულს
 თავს ვეველები მსოფლიოსა, ჩემ სამეფოდ ქცეულს!
 არ მზღუდავენ იქ სიტყვები, იქ სდუმს ქვეყნის ენა
 იქ ნეტარობს გულის თვალი, ტკება გულის სმენა!
 ვერ მომწვდება უღმობელის დროის ცივი ხელი,
 ვერც სიკვდილის საშინელი, სისხლიანი ცელი.
 უცნობია ჩემთვის რული, უცნობია დაღლა;
 სულის სხივად მივსრიალებ მალლა, მალლა, მალლა!..
 გაზაფხული თავის სამოსს ხეებსა და ყვავილთ აცმევს.
 დამათრობელ სურნელებას მადლიანის ხელით აკმევს
 ცის გუმბათი იღიმება ცეცხლეულის ფერადითა,
 მზის სიმღერა მწველი ისმის ლაქვარდოვან ვერანდიდან.
 ჰქუხს საყვირი სიკოცხლისა ბრძანებიან-ვნებიანი!
 სიცილის და რისხვის ხმანი, სიმთ ლივლივი საამური,
 ზართა რეკა, ეტლთ გრიალი, ნაზი კენესა სალამურის
 რკინის შლინგვა, ქვის რახუნნი, სისინ-შფოთი მანქანათა,
 ვეშაბური ამოქშინვა და ქოთქოთი ქარხანათა,
 ხმათა ზღვაში შემდინარდნენ ქოტიურ-უსრულები,
 მოეფინენ მზის ქვეშეთსა, ამოავსეს უფსკრულები!..
 აბობოქრდა ხალხის ტალღა, სიტყვიანობს და მოქმედობს
 არსებობის დასაცავად იძვრის, იღწვის, შემოქმედობს.
 მომავლის და აწმყოს ზღვარზე მდგარ დაბურულს ტყესა ჰკაფავს
 და სიკვდილი იმის ძლიერ კვერის ქვეშა სულსა ლაფავს!..

მოსაწვევ ძახილსა
 გზნებარეს, მახვილსა
 მოვკრავ რა ყურს —
 ვიესები ძალითა,
 უძლევის ალითა;
 ბრძოლა, ჰეჲ, მსურს!
 ოცნების ქადილო,
 მზერათა მანდილო,
 ჩემგანა შორს!
 არწივი ფრთებითა,
 მბურთავი მთებითა,
 არ დავემსგავსები
 ბარისა მძოვრს!
 მომყევით! მენება
 ნგრევა და შენება,
 ფიქრი და ქმნა!
 გაბნევა ქაოსის,
 შესაძლისთ ახოსი!
 ბარვა და ხენა!
 ნადიმსა გავმართავთ

მწვერვალზე!.. აფარავეთ
მთაზედა მთას.
ფოლადის ნებიოთა,
მწველ შურის გებიოთა
შევანგრეთ ცას!
ჩვენია წუთები
დაესქიმოთ კუნთები,
ვერა ვინ გვძლევს!
ტიტანოსთ გუნდები
მოდიან ხუნდებით.
გვიფრთხილდი, ზეეს!...

1920 x

დუხუ ქეჩიკელი

შენ გიყვარს დედა?..

შენ გიყვარს დედა, გიყვარს ძალიან,
გაცოცხლებს მისი აღერსი ტკბილი,
მთელი დღე უმზერ და გიხაროიან,
სიამით გავსებს მისი ღიმილი,
და ღამე კიდევ, მის გულს ჩაკრული,
იძინებ მშვიდად, იძინებ წყნარად?..
ჰო, გიყვარს და გსურს ეს სიყვარული
აროდეს ჩაქრეს, ბრწყინავდეს მარად!..
მაშ, შევედრე განგების ძალებს,
რომ იყო მუდამ ეგრევე ბავში
და გეგულვოდეს იმისი კალთა
მფარველად ყოველს გაჭირებაში!
არა, არ მოგწონს ბავშვად დარჩენა,
ცდილობ საკუთარ ფეხზე დადგომას,
გსურს ცხოვრებაში კვალის დაჩენა,
ნატრობ დიდებას, გმირად გახდომას?
მაშ, სიყვარულსა თქვენსას თუ გინდა,
არ მოეფინოს მცირედიც ჩრდილი
და იყოს, როგორც ახლა, სულ წმინდა,
ღმერთს სთხოვე მისი ადრე სიკვდილი!
თორემ, როდესაც შენ გაიზრდები
და ის საჭირო აღარ იქნება,
ეს ზრუნვა, დღეს რომ ისე მით სტკბები,
მძიმე ბორკილად გარდაიქმნება!
და მაშინ ვაი თუ სიყვარული
დაახშოს ზიზღმა და მძულვარებამ
და ეს სიამე და სიხარული
შესცვალოს ტანჯვამ და მწუხარებამ!..

(მოთხრობა)

„უკანასკნელი სიტყვა თქვენია, ბრალდებულო! — ცალკად მიჰმართა თავმჯდომარემ ტუსადს, აღმაცერად შემოავლო თვალი საბრალმდებლო სკამს, ჯერ მარჯვნივ მჯდომარე ახალგაზრდა თანამსაჯულის ჩაუჩურჩულა რაღაც, მერე მარცხნივ მყოფს, — უფრო ხნიერს, — ხმა დაბლა გამოელარაპაკა, ბოლოს იდაყვებზე ნიკაპი დააყრდნო და სმენად გადაიქცა. ტუსალი, ანდრია ნაზლაიძე, წამოდგა, რუხი მაზარა მოიჯუჯკა, გულხელი დაიკრიბა და დაიწყო...

სასამართლოს დარბაზი შეირხა, ყველამ კისერი წაიგძეო, მოლაპარაკეს დააწყერდა.

ტუსალი იგი შუახნის კაცი იყო, მაღალ-მაღალი, გამხდარი, ბეჭებში ცოტა მოხრილი. ხშირი, ქალარა თმის კულულები ფართე შუბლზე გადმოსჯაროდნ და მის დათენთილს და გაფითრებულ სახეს უფრო აფერმკრთალებდნ. კარგახნის გაუკრეჭავი, აბურძგენილი წვერულვაში ყომრალი ბაღდადივით შემოხვეოდა ბაგე-ყბებზე, თუმცა სავსებით ვერ დაეჩრდილა ტუსალის ჭკვიანური და საზრიანი გამომეტყველება. მშვენიერი, დიდრონი, სევდით სავსე შავი თვალები ჰქონდა ნაზლაიძეს, მაგრამ ისე მოკრძალებით მიმსხდარიყვნენ შუბლის ძირას, თითქოს უკან გაბრუნებულან და ჰირნახული ადამიანის გულის სიღრმეს ჩაშტერებიანო.

ცოტა დანჯღრეული და ხან მკვეთრი ხმა მისი გლოვის ზუზუნად გაისმოდა სიჩუმით მოცულ დარბაზში.

თავმჯდომარე — მეტად მკაცრი სახის ადამიანი, — გატაცებული მისჩერებოდა მოპირდაპირე კედლის ერთ-ერთ წერტილს.

თანამსაჯულებს მოემარჯვებინათ საწერ-კალამი და საქმიანის სახით ქალაღზე ხელებს აცოდვილებდნ.

ერთს თანამსაჯულს — ახალგაზრდას, — უკვე გამოეყვანა ლამაზი ქალის სახე და დაჟინებით უსწორებდა წარბ-წამწამს.

მოხუცი მსაჯული კი ჯღაბნიდა ჯორსა თუ ცხენს. ცხოვრებაში მეურნეობა, ცხენები და ძროხები იყო მისი ტრფიალი!

„აქ რამდენჯერმე მკითხეს — აუმაღლა ხმას ბრალდებულმა — რად მოჰკალი ვექილი ჩანჩაღადეო? გადაჭრით ვაცხადებ მოსამართლეთა წინაშე, რომ იგი მე არ მომიკლავს და არც ოდესმე განმიზრახავს ისეთების მოკვლა, ვინაიდგან კაცის მოკვლაში კაცისავე სისხლს თხოულობენ ხოლმე და განა ჩანჩაღადე ადამიანი იყო? არა! ბუნებას შეცდომით მიეცა მისთვის სახება კაცისა: ის იყო განხორციელებული ლირფობა, მშიშარაობა და თავისხვექიაობა; ის იყო გასულდგმულებული გულ-ქვაობა, თვალთმაქცობა და ფარისევლობა; ის იყო გამოჩაყური იმ სიგლახისა, იმ სულმოკლეობისა და იმ თავდავიწყებისა, უცხო სკოლაში და აღზრდამ რომ შესძღვნა ჩვენ ნასწავლ თაობის დიდ უმრავლესობას, ეგრედ წოდებულ, ინტელიგენციას, ამ მრავალ თავიანსა და უყალიბო ანარეკლს ხალხისას... ოხ, რომ იცოდეთ, როგორ მეჯავრება გადაგვარებული ადამიანი, რა ტომისაც უნდა იყოს იგი!

„გთხოვთ საგანზე ილაპარაკოთ! — მოულოდნელად გააწყვეტინა სიტყვა თავმჯდომარემ და წარბები შეიკრა.

ბრალდებული შეეკყმანდა და შემდეგ განაგრძო:

„ეს რამდენიმე თვეა ციხეში ვგდივარ და ხმა არ ამომიღია... ნება მიბოძეთ მოვიქარვო გულის ნადები. გარდა ამისა, კაცი, აგერ, დებერდი და არასოდეს საშუალება არა მქონია... ყურისმგდებელი არა მყოლია, რომ ბოლიმდის მეთქვა, ბოლომდის მოესმინათ ჩემი სიტყვა! ვიტყოდი რამეს თუ არა, ჭილყავებზედ დამეხვეოდნ ხოლმე ძალადმაცხონე ხელმძღვანელები იმ სხვის აზრებით, სხვის ნებისყოფით დარეტიანებულ ქვეყნისა, რომელსაც ჩვენი სამშობლო ჰქვია...

„ეგ საქმეს არ შეეხება... თქვენ ილაპარაკეთ მხოლოდ იმაზე, თუ რად მოჰკალით ვეჭილი, რამ გაიძულათ და სხვა—კვლავ შეუტია თავმჯდომარემ.

„მე არ მომიკლავს-მეთქი ვეჭილი ჩანჩალაძე, —აქი მოგახსენეთ! ის მოჰკლა თავისმა უგნურებამ

„როგორ მოხდა ეგ საკვირველი ამბავი... აი რა უნდა გვაუწყოთ! —დასცინა თავმჯდომარემ და სკამის ზურგს გადაეყუდა, უკმაყოფილო, პირმქუში.

„გრძელი ისტორიაა და თუ მათქმევინებთ... სთქვა ტუსაღმა.

„მოკლელ კი ბრძანეთ... უკვე ოთხი საათია! —დაიბუბუნა თავმჯდომარემ. აქ ძვირფასი ოქროს საათი ამოიღო, ხელში შეათამაშა, დახედა და ისევ უბეში ჩაიღო...

„ნეტა შეიძლებოდეს წლობით ნატანჯის საათობით ამოწურვა! —გაიფიქრა ტუსაღმა. ხმა მალ-ლა კი განაგრძო:

„ვის გინახავთ გაშიშვლებული სიღარიბე? ვის გინახავთ დანგრეული ქოხი, შიგნითაც რომ ისე სწვიშს ხოლმე, როგორც გარეთ. ვის გინახავთ ულუკმა-პუროდ დარჩენილი ქვრივ-ობლები, უპატრონონი, უადამიანონი, უნუგეშონი? აი ასეთი გაუბედურებული ოჯახის შვილი ვარ. მამის სიკვდილის შემდეგ დედა-ჩვენს დაერჩით ერთი ერთმანეთზე მომდევნო ექვსი ბავშვი. ვერაფერს გეტყვით: როგორ გამოვდიოდით, როგორ ეობრუნებდით სულს. მეზობლების ანაბარად ვიყავით. ერთი კია, რომ დედა ჩემმა წერაკითხვა იცოდა და ოსტატობა დაიწყო: ხუთი ექვსი სოფლელი გოგო ყოველთვის ჰყავდა ხოლმე აბარებული ანბანის სასწავლებლად. წერას ხარის ბეჭზე ასწავლიდა კალმად გამოკრილ ბატის კანკით. წყალში გაქნილ ქვაბის მუხრის მკრთალი მელნით ამ ბეჭზე უჯღაბნიდა პატარ-პატარა ლოცვებს და მერე რის ვაი-ვაგ-ლახით არკვევინებდა ამოსადგბს. დიდი მოთმენა, წვალება და ჩიჩინი უნდოდა ასეთს სწავლებას. გოგოები ხშირად გარბოდნენ ხოლმე სახლში და ოსტატს ხვეწნა-მუდართათა და ათას-გვარი დაპირებით უხდებოდა მათი ისევ შეკრება. ჩვენი ქოხი ხან მდუმარებით იყო ხოლმე მოცული, ხან კი ჯიჯინითა და ღრიანცელით იესებოდა.

და-ძმებში ყველაზე უფროსი მე ვიყავ. მე ვიყავ მათი მომვლელიც. როცა დედა ჩვენი გოგოებს უჩიჩინებდა, ჭუკიებსავით დავილაღავდი ხოლმე ჩემს და-ძმათ და მიმყავდა მინდორ-ველად, რომ შევირდ-გოგოებისათვის ხელი არ შეეშალათ.

ჩვენი ქოხის ცოტა მოშორებით, მზის გულზე, ხეხილით შემოფარგლული ერთი მყუდრო კორდი იყო. აი ამ კორდზე მივდიოდით ხოლმე და თითქმის საღამომდე იქა ვრჩებოდით. კორდის თხემიდან კალმით აუწერილი დიდებული სურათი იშლებოდა: შორს გამდგარი, თოვლით დაფენილი ბრუტ-საბრძელა *) ისე ახლოს მოსჩანდა, გეგონებოდათ ხელს მივაწვდნო. მის ჩამოდაღმა მდევებივით გაწოლილიყვნენ ტყით დაფენილი კეცა-კეცა მთები, ადგილ მწვანეთ მოღალანე, ადგილ ჩაშავებულ-ჩაბნელებულნი და ანდამატივით იზიდავდნენ კაცის გულსა და გონებას. შორიდან მოისმოდა გიჟი ლიახვის ხვივილი და ეს საიდუმლო ხმა ჟრუანტელად მივლიდა ტანში.

თვით კორდზე, გაზაფხულობით, წელამდე ბალახი ბიბინებდა ხოლმე, ათასგვარ ყვავილებით აჭრელებული. უთვალავი ფერადი პეპელა და ბუზ-მწერები დაჰფრენდა იქ. კორდის ძირას მორაკრაკე ნაკადულიც სირმასავით მიეღვარებდა და დაუსრულებლად ჰბანდა პირს თავებ მოკანტურე ზიზილებს.

მთელი დღე ვიჯექ ხოლმე რომელიმე ბუჩქის ძირას და გავყურებდი მოკრიალებულ ცის დასავალს, ხე-ტყით დაფენილ მთა-გორაკებს, ყურს ვუგდებდი ლიახვის ხვივილს, ბალახების შრიალს, მწერ-პეპელათა ფარფატს, ფუტკრების ბზუილს, ყვავილების ფშვინვას და...

„გთხოვთ თავი დაანებოთ უადგილო რომანტიულობას! —ველარ მოითმინა თავმჯდომარემ და უქმეხად სიტყვა გააწყვეტინა.

ნაზღაიქმ თმაზე ხელი გადაისვა, მწარედ ამოიოხრა, თითქოს მოგონებათა ლანდებმა შეაწუხესო და უპასუხა:

*) ერთ ერთი მწვერვალი კავკასიონის ქედისა. იგივე-იალბუზი.

„მე კი მგონია, ბატონო მოსამართლენო, რომ სწორედ აქ არის ჩამარხული... აქედან იწყება ჩემი ზიზლი ყოველივე მახინჯობისა და უმგებანობისადმი...—ტუსალი კვლავ შეჩერდა და მერე ნირზეუშლელად განაგრძო—გული გამოურკვეველი სიხარულით მეცხებოდა. თვალბეჭეტად რების ცრემლები მადგებოდა. მკერდი მიფართოვებოდა, ფიქრები მეზრდებოდა. ფრთები... ჰაერობა... მენატრებოდა, რო- მოვევლებოდი მთა-ველებს, ავსულიყავ ცაში, მოვხვევოდი მნათობებს, მთის მწვერვალებს, თითოეულ ხეს, თითოეულ ბუჩქს, თითოეულ ღეროს ბალახისას. მინდოდა გავქნილიყავ ნისლივით, დავმდნარიყავ წმინდა-სანთელივით ბუნების წიაღში!... ვინ იცის რამდენჯერ წამოვარდნილვარ ოცნებით გატაცებული და გიჟივით გადამიკოცნია ბექობზე შეფენილი გვირილები, ყაყაოები, ზიზილები, ბალახები... ნაზლაიძე გაჩუმდა ცატასხანს, სულის მოსაბრუნებლად, თავმჯდომარემ გაკვირებით მხრები აიჩეჩა. ახალგაზრდა მსაჯულმაც გაფანტვით მიმოავლო თვალი დარბაზს და მერე ისევ თავის მხატვრობას დაუბრუნდა. მოხუც მსაჯულს კი... არხინად სთვლემდა.

„სამაგიეროდ უბედური ვიყავ ზოლმე შინ ყოფნისას—განაგრძო ტუსალმა—ზანტი, უენო, მოდუნებული, დაფანტული. მე ყურში ჩამესმოდა ბუნების ხმები, თვალწინ მეშლებოდა მისი სურათები. მე მინდოდა ვყოფილიყავ თავისუფალი, ვით შეიღოს ნუკრი და მეოცნებე, ვით ანგელოზი და დედა ჩემი კი დამძახოდა:

„ბიჭო ჩინჩხვრები მოიტანე... ბატები მოდენე... გოჭი გარეთ არ დარჩეს... რას გამოლენ-ჩებულხარ, რას გაბუცებულხარ შე უბედურო...

დიახ, უბედური ვაყავ დედაჩემის თვალში მაშინ და უბედურადვე დავრჩი დღევანდლამდე,—
—ვინაიდან ბედნიერად სთვლიან მხოლოდ მძღრებს, მორთულ მოკაზმულებს, თვალთმაქცებს, მატყუარებს; ვინც არხინად სთლის და სკამს ყრუ ქვეყანასა და ყრუ ხალხს...

„იძულებული ვარ სიტყვა წიგართვით, თუ საგანს არ დაუბრუნდებით—გაგულისდა თავმჯდომარე. მოხუცმა მსაჯულმა თვალბეჭეტად აქყიტა და რეტიანივით აქეთ იქათ ყურება დაიწყო. ამის დამნახველმა დარბაზში ვიღაცამ დაიფრუტუნა, სიცილი ვეღარ შეიკავა.

„ზოდიშს ვითხოვ, ბატონო თავმჯდომარე, მაგრამ თუ მოსამართლეები ბრძანდებით, თუ გნებავთ შეათვასოთ ჩემი საქციელი, მე მგონია განაგრძო ნაზლაიძემ—მაგრამ თავმჯდომარემ აღარ დააცალა:

„მე საქმე არა მაქვს იმასთან, თუ თქვენ რა გგონიათ... გთხოვთ საგანს დაუბრუნდეთ—მეთქი! დაიღრიჯა უბედურად თავმჯდომარე.

„დიახ, მე მგონია—გაბედვით ჩაურთო ტუსალმა—თქვენ მოვალენი ხართ ყური დამიდგოთ იმ დრომდე, ვიდრე არ გამოარკვევთ დასაბამს ბრალდებულის ხასიათისას, მაგრამ სჩანს აქაც,—სასამართლოშიაც,—ენის მოკენება ყოფილა საჭირო. ამიტომ მოკლედ მოვსჭირ... თავმჯდომარემ იწყინა ტუსალის კადნიერება და მთელი დარიგება წაიკითხა, თუ როგორ ძვირფასია დრო და როგორ უნდა ექიროს კაცს თავი, თუნდაც იგი ბრალდებულიც... დამნაშავეც, იყოს. დარბაზმა სული განაბა... თავმჯდომარემ იგრძნო თავისი გავლენა და სულგრძელობის გამოსაჩენად, როდის—როდის წარბშეკვრით უბრძანა ტუსალს:—განაგრძეო.

ნაზლაიძემ განაგრძო:

„ბუნების შვილი, სოფლელი ბავშვი ჩამიყვანეს სამაზრო ქალაქად და იქ ერთ დახავსებულ სასწავლებელში მიმაბარეს. როგორ მოახერხა ეს საბრალო დედაჩემმა, მე არ ვიცი. ვიცი მხოლოდ რომ არ არის ცოტად თუ ბევრად შესმენილი ადამიანი ჩვენში, რომ არ უნდოდეს „შვილი ნასწავლი, განათლებული, წარჩინებული“, რაც იმ დროს, არსებითად, უდრიდა ბავშვის გადაგვარების გზაზე დაყენებას, ვინაიდან უცხო სკოლა და უცხოთა პოლიტიკა მოზარდს ბუნებრივად ვერ აღზრდის. მეც ათი-ტორმეტი წელიწადი მალეჭიეს სლავური ღოცვები, მიმოძღვრეს რაღაც აბდა-უბდა და სადიპლომოდ მაშადებდენ... აქ გამოჩნდა გავლენა ჩვენი ქვეყნის მშვენიერი ბუნების, აქ იჩინა თავი სურვილმა თავისიანებისადმი სამსახურისამ, აქ დავინახე მთელი შავ-ბნელი პოლიტიკა და განზრახვანი ჩინოვნიკ-აღმზრდელებისა და...

გავიბრძოლეთ უკუღმართობის წინააღმდეგ. ახებივით გამოგვდევნეს სკოლიდან, დაგვავანტეს, დაგვცხრილეს, უგზო უკვლოდ დაგვტოვეს, შინაურებსაც და გარეულებსაც ეძიებდნენ. მივაშურე ისევ სოფელს, ბუნებას, გლეხობას. მალე იქიდანაც გამომდევნეს: — ქვეყანას უკმაყოფილო დავბრუნდი კვლავ ქალაქად. ერთი წლის შემდეგ დამიჭირეს და ცნხეში ჩმასვეს; — ღარიბ-ლატაკებს გვიგულიანებო...

სად წავსულიყავ, რა მექნა, როგორ მოვექცეულიყავ? — აღარ ვიცოდი...

ამასობაში გადიოდი თევები და წლები. ცხოვრება რთულდებოდა, სიდუხჭირე ორკეცდებოდა. ჯურღმულებიდან მოისმოდა ყრუ გუგუნე უკმაყოფილებისა, ხოლო ვინც ალღო აუღო ცხოვრების ქართა ქროლვას, იგი პირველ ადგილს წამოსკუბდა.

ერთი მათგანი იყო ვეკილი ჩანჩალაძე. უამისოდ არც ერთი საქმე არა კეთდებოდა.

„**ბატონო**, სარდიონ ივანი! (ასე ერქვა ჩანჩალაძეს) მოწიწებით მიმართავდენ ხოლმე მას ცარიზმის დროს და ისიც იჭიმებოდა, მედიდურობდა, როგორც შეეფერებოდა ნამდვილ ბატონს, ამაცს, თავ-ქეიფას, ყმისა და მამულის პატრონს, — თუმცა მამა მისი ერთი რაღაც გადამღეძალი დაიკვანი იყო.

„**მამულიშვილო!** დასძახოდენ მას მისი ტოლნი და სწორნი, როცა პირველად შეირყა ტახტი თვითმპყრობლობისა და დემოკრატობა მოეფინა ქვეყანას და ისიც ისე გამოიყურებოდა ხოლმე, როგორც ეკადრებოდა ქვეყნისათვის თავდადებულ მამულიშვილს.

— **ამხანაგო!** — ეხვეოდენ მას მაშვრანლი და ტვირთ მძიმენი, როცა დაიმსხვრა ბორკილი მონობისა, როცა ძმობა-ერთობა შეიქმნა პირველ თქმად, პირველ ლოზუნგად დიდისა თუ პატარისათვის და... ჩანჩალაძესაც ისე ეჭირა თავი, როგორც პირველ სოციალისტს, პირველ მებრძოლეს, პირველ კაცს...

ასეთი იყო გარეგნული, საჯარო ყოფნა ჩანჩალაძისა. არც ერთ ხანას, არც ერთ ქროლვას ქარისას და არც ერთ ტალღას ხალხთა დელევისას იგი არ დაუჩრდილავს, არ დაუფარავს, არ დაურჩევია. პირიქით, მუდამ უვნებლად ტივტივებდა ცხოვრების ზედა-პირზე და მუდამ სჩანდა იგი, როგორც საზოგადოებრივი მოღვაწე. მეფის დროს ეტლით დაიარებოდა, ძმობა-ერთობისას კი — ავტომობილებით დაჰქროდა, მორთულ-მოკაზმული, კრიალა, ადგილ მოდიმარი, ვით ანგელოზი და ადგილ წარბშეკრული, დაფიქრებული, ვით ბრძენი დიპლომატი.

ჭეშმარიტად უცნაურია ხალხი, მასსა, ბრბო! თუ ენდო-ვისმე, — გააღმერთებს და თუ შეიძულა ვინმე, — ფეხით გაჰქელავს.

ჩანჩალაძემ კარგად იცოდა ხალხის ეს თვისება და ისე ათამაშებდა მას, როგორც ხელოვანი დამკვრელი ათამაშებს ხოლმე ვიოლონის სიმებს...

თითქმის არავინ იცოდა, რომ, არსებითად, ვეკილი ჩანჩალაძე დიდი ქვენაგონობის კაცი იყო, დიდი ქამელეონი, დიდი თვალთ-მაქცი და თავისხვექია. იგი დასცინოდა ბრბოს, დასცინოდა გულუბრყვილო ხალხს, სპეკულიანტობდა მისის ნდობითა და ხმით. ფრთხილი იყო, ვით კურდღელი და შემპარავი, ვით მელა. რაც ზევით სჩანდა, ხუთი იმოდენა მიწაში დაძვრებოდა და ისე აკვარისჭინებდა თავის პირად საქმეებს, რომ ეჭვსაც ვერ აიღებდით მის გაიძვერობაში... ადგილ რიხიანი და მჭერმეტყველი, ადგილ მღუმარე, ვით სამარე შორიდან ზეფრავდა ხოლმე თავის პოზიციებს და სკუპ-სკუპით იჭერდა მათ...

ათი-თორმეტი წელიწადი იყო გასული, რომ ჩანჩალაძე აღარ მენახა. ამ დროის განმავლობაში ბევრი რამ გადამხდა, ბევრი რამ განვიცადე. დიდი ხნის დაცოლშვილიანებული ვიყავ, ღარიბი, ლატაკი, იდეალისტი, კვლავ მეოცნებე, ყოველ გვარ ბოროტებისა და თვალთმაქცობის დაუძინებელი მტერი, პირალია, ფიცხი, მოურიდებელი. ჩემისთანა კაცს თავის მტერს, თავიქამიას ეძახიან და მართლაც გათიშული დავრჩი ყველასაგან და ყველაფერში. გაბატონებულ მოძღვრებას ვერ შევეთვისე, არსებულ პარტიებს ვერ მოვურიგდი. სიცრუე და სიყალბე მარჯვნიდან, თუ მარცხნიდან მაბრაზებდა, მლიქვნელობა ძლიერთა წინაშე, თუ ბრბოის ფეხის ლოკვა ერთნაირად მეზიზღებოდა და...

დავეხეტებოდი უადგილოდ, უბინოდ, შეუსაფარი. ნახევარზე მშვიფი, ნახევარზე მწყურვალნი.
ცხოვრება მე დამცინოდა და მე—ცხოვრებას...

ერთ დღეს ბინას დავეძებდი ქალაქში. ბინა აღმომიჩნდა იმ სახლის ქვედა სართულში, სადაც ცხოვრობდა თურმე ვეკილი ჩანჩალაძე, იმ დროს დიდი ამხანაგი, გამგე რალაც დიდი საზოგადოებრივ დაწესებულებისა. შევხვდით. სალამი—ქალამი. მოგონებანი. კამათი. ყრუ უკმაყოფილება ერთმანეთისადმი და განშორება უფრო ღრმა და შეურიგებელი, ვიდრე სტუდენტობის დროს გვექონდა. ის უზრუნველყოფილი, სახელოვანი, ცნობილი კაცი, ქურჭიანი, ხელთათმანიანი, ნდობით აღჭურვილი, ავტომობილიანი სოციალისტი,—მე კი... ჩამოფლეთილი, დევნილი, გაუსწორებელი იდილისტ-ევოლუციონისტი, არასოციალისტი—დღევანდელის აზრით—„მოვინისტი—ნაციონალისტი“ და სხვა ამისთანა მკვრევლობის მატარებელი!

გახურებული რევოლუციის ხანა იყო. ქალაქი, ქვეყანა სიმშვილითა და სიტუტვლით იყო მოცული და მე ხომ სულ ნატისუსალი ამდიოდა. ამავე დროს ოჯახიც არეული მქონდა. ჩემი სამი ვაჟი—ერთი ბალშევიკი, მეორე მენშევიკი, მესამე სინდიკალისტი, თუ ანარქისტი—წინათვე დაერივნენ ერთმანეთს, მიმატოვეს და სადღაც გადაიღუპნენ. ორი ქალიშვილი ვიღაც ვიღაცებს გაჰყვნენ—ერთი რუსს, მეორე გერმანელს. (დღესაც არ ვიცი, სად არიან). დავრჩით მე და ჩემი უღროოდ დაბერებული ცოლი. სამ დღეში ერთხელ თუ გავლევდით ხოლმე ხმელა ქადს. მშვირები ვიღძობოდით და გაბუტებულებივით ვისხედით ხოლმე ნესტიან, ჯურღმულის მსგავს, გამოფხეკილ ოთახის ცალ-ცალკე კუთხეში. მე არ ვიცი, რასა ჰფიქრობდა იგი დაუსრულებელ სიჩუმის დროს, მე კი მაგონდებოდა ხოლმე ჩემი სიყმაწვილე, სამშობლოს ბუნება, მისი თავგადასავალი, დღევანდელი ყოფნა... პირველი სიყვარული, ჩვენი კორდი, მოწაფეობა, სტუდენტობა, ოცნებანი... დამსხვრეული იმედები, დაკარგული დრო და ჟამი, მოახლოებული სიბერე და სიკვდილი,—არარაობად ქცევა, იმ ზმანების შემდეგ, როგორცაც სიცოცხლე ჰქვია და რომლის ასავალ-დასავალიც ვერავის დაულაგებია ისე, რომ ყველა ბედნიერი იყოს ამ უკემეს წუთისოფელში! თუ დამიჯერებთ, სიკვდილისა არასოდეს არ მშინებია, მაგრამ ვიდრე სიკვდილი მეწვეოდა, მე მინდოდა მომეგონებინა ისეთი რამ მანქანა, ჯადოსნობა, გრძნეულობა, სასწაული, რომლის საშუალებითაც ერთბაშად მოსპობილიყო ბოროტება და თვალთ-მაქცობა მსოფლიოს მასშტაბით! ვეგდე ხოლმე გამოტილი ტახტზე და ვფიქრობდი: იმ უცნაურ მანქანაზე... მთელი ქვეყნის გაძღომაზე, გათბობაზე, გაადამიანებაზე... სისხლზე მოვყავდი, ვინც კი ამ ოცნებიდან გამომარკვევდა და დღის სიცხადეს, ფლიდსა და ორპირ დღის სიცხადეს, დამიბრუნებდა ხოლმე...

„გიჟი ყოფილა, საცოდავი!—წასჩურჩულა თავმჯდომარემ ხანში შესულ თანამსაჯულს და მოთმინება დაკარგულივით შეიშმუნა.

„ჰა? ჰო! დიახ! წაილულლულა მოხუცმა მსაჯულმა და თვალები კვლავ სასაცილოდ დააჭყიტა. ნაზლაძე კი განაგრძობდა.

„სისხლზე მოვყავდი ჩანჩალაძის გუოცილობასა და მატყუერობასაც. სიცივე-სიმშვილის გამო ქალაქში დიდი მოარულები იყო. ხალხი ბუზივით იხოცებოდა. დილით სალამომდე მლოცველებივით მოდიოდნენ ღარიბ ღატაქნი ჩანჩალაძის კარებთან. ჩანჩალაძე მოვალე იყო თავის თანამდებობისა გამო გზები ეჩვენებინა მათთვის, დაემშვიდებინა, დაეპურებინა საზოგადო ულუფისაგან, წინ გასძლოლოდა, ეპატრონა, მაგრამ იგი ყურსაც არ იბერტყდა. ზიზღით ექცეოდა, უყვიროდა, უშუთალებდა, ხშირად ემალებოდა კიდეს, როცა სახლში იყო ხოლმე და აინუნშიაც არ იგდებდა მთხოვნელთა ვედრება—მუდარას. მთხოვნელნი კი მაინც არა შორდებოდნენ ჩანჩალაძის კარ-ფანჯრებს, არახუნებდნენ, აწყარუნებდნენ, აჯაჯგურებდნენ მათ და იდგა ხოლმე ერთი დაუსრულებელი ღრიანცელი და კბილთა ღრტყნა. ასე გადიოდა დღეები, კვირები, თვეები. ზაფრამ ამიტანა. მთელი ქვეყნის თვალთმაქცობა, დამცირება და უსამართლობა იქვე, ჩემ თვალწინვე, იშლებოდა...

იმ დღეს, როცა ჩანჩალაძე მოკვდა, სამი დღის მშვიფი ვიყავ. უკანასკნელი საცვლებიც და-

მეხა... მკბენარი დამეხეა... ცოლი გულსაკლავად ქვითინებდა: ერთ-ერთი შვილის რაღაც უბედურების ამბავი მოგვივიდა. გულზე ცეცხლი მეკიდა. აფთარივით დავრბოდე ჩემს ქვეყანაში. მძულდა ჩემი თავი, მძულდა მთელი ქვეყანა, ბრმა და ყრუ კაცობრიობა... შიშვენიერად მალლა სართულიდან მოისმოდა როიალის ჟღერალო და კმაყოფილო, მაძლარი სიცილ-ხარხარი. „ბრახ! ბრახ! ბრახ! ასტყდა ამ დროს თავგანწირული ბრახუნი ვეჭილის კარებისა.

„ვინ გინდათ? მედიდურად გამოეხმაურა ზევიდან ჩანჩალაძის მსახური.

„ვეჭილი... გვშიან... ვკედებით... გვიშველეთ.

„ვეჭილი შინ არა ბრძანდება!..

„ბრახ! ბრახ! ბრახ! არ ასვენებდენ კარებს. ეს ბრახუნი ლურსმებივით მესობოდა გულში ტვინში, მთელს არსებაში.

„ვეჭილი შინ არ არის-მეთქი! ჩამოჰყვირა მსახურმა მომსვლელს და ერთი ლაზათიანად შეუკურთხა.

„სტყუის! სტყუიან ყველანი, უბედურნო, უკეთურნო, დაბრმავებულნო!—დავიღრიალე სიბრაზისაგან გადარეულმა, დერეფანში გავვარდი, ჩანჩალაძის კიბესთან გაეჩნდი და მოემართე მისი გვარის ღრიალი.

„რა გაყვირებს, ოხერო!—მომესმა ზევიდან მრისხანე ხმა ვეჭილისა, რომელიც კიბეზე ჩამოდიოდა.

მისმა მაძლარმა სახემ, მისმა მედიდურებამ გონება უარესად დამიბნია და კიბეზე ავევარდი.

აღბად საზარელი სახე უნდა მქონოდა, რომ ვეჭილი უცბად გაფითრდა, კანკალმა აიტანა... მე .. მე... მე!.. წაილულულა, შეტორტმანდა, კიბის საფეხურზე ფეხი დაუცდა და ქვევით-კენ დაგორდა...

როცა ხმაურობაზე მისიანები გამოცვინდენ და ძირს ჩამოგორებული ვეჭილი წამოაყენეს იგი უკვე მკვდარი იყო... აღბად ან შიშისაგან გაუსქდა გული და ან დაგორების დროს რაიმე როკს დაჰკრა საფეთქელი...

მოწმე არავინა მყავს. ის კაცი, რომელიც ჩანჩალაძეს იხმობდა, სადღაც მიიმალა და არც ვიცნობ, ვინ არის...

მე გავათავე ჩემი სიტყვა. დააბოლოვა ნაზღაიძემ და თავი ჩაჰკიდა.

„უჰ! ამოიქმინა თავმჯდომარემ, დაავლო ქალაქებს ხელი და სათათბირო ოთახისაკენ გასწია. მას უკან გაჰყვენ თანამსაჯულნიც.

სასამართლოს დარბაზში დარჩნენ განაჩენის მომლოდინე ტუსალი და მოგუგუნე დამსწრენი. მოსამართლეთა მწვანე მაუდით დაფენილ გრძელ მაგიდას ამშვენებდა ახალგაზრდა მსაჯულის მიერ სიჩქარით დავიწყებულ ქალაქზე დახატული ლამაზი ქალი...

ნახატი ქალი იგი უდარდელად იღიმებოდა.

3 იანვარი 1922 წ.

შალვა ჯაფარიძე

ვასო აბაშიძე

(სილუეტი)

ვოლტერის სახის—ცხვირ-წაწვეტილი ნიკაპ-გამახვილებული, ცოცხალის, მოძრავის და ცლანგი თვალების პატრონი. ტუჩები ვიწრო და დაუნდობელ არშია მოკუმული.

ხოლო, როდესაც გაიხსნება ეს ტუჩები—რამდენი სიცილია ამ ხახაში!

ამას თქვენ ვეღარ უძლებთ და ზოგჯერ იცინით მასთან ერთად ხევით ისტერიამდე.

როდესაც განათლებით მისი სახის უცნაურ, კომიკურ შუქით, შემდეგ დაპყრობილი ხართ მუდმივად და ავით ხდებით უკუბრუნებული სენით.

იმ სენით, რომელიც მედიცინამ არ იცის, მაგრამ აგერ ნახევარჯ საუკუნეა რაც, თითქმის
მთელი საქართველო დააფადმყოფებულა.
ეს აფადმყოფობა თვით ვასო აბაშიძეა.
მაგრამ, აბა რაღა თქმა უნდა, რომ ამით დააფადება ყველასთვის სასიამოვნოა, ყველას უნდა
ეს სენი შეეყაროს,
რადგან
ამით ცოცხლდება კაცი, კეთილშობილდება ამ მაღალი მხატვარის შემოქმედებასთან ზიარე-
ბით, ამაყობს ეროვნულათ და ისვენებს სულიერად.
და ამ უცნაურმა კაცმა მთელი თავისი ცხოვრება სიცილ-ხარხარით მოიტანა სამსხვერპლოდ
მისთვის, რომ აეგო უზარმაზარი, ეროვნული ტაძარი ქართული თეატრისა.
ყველამ ვიცით, რომ ქართული თეატრი მეცხრამეტე საუკუნისა შთაისახა იანვრის 2-ს 1850
წლისა, მაგრამ ნამდვილი და მუდმივი დასი დაარსდა ვასო აბაშიძესთან და ვასო აბაშიძით.
ამ გვარათ, ვასო ამ ჟამად, ჩვენდა სასიხარულოდ, ცოცხალი ისტორია და ცოცხალი ტრადი-
ციაა ქართული თეატრისა.
როგორი მსახიობიც არის ვასო ამაზე იმდენი დაწერილა და თქმულა, რომ თუ რამოდენიმე
არა, ერთი დიდი და მოზრდილი ტომი მაინც გამოვა.
ეს ისეთი დიდი სახე და დიდი მოვლენაა ჩვენს მხატვრულ შემოქმედებაში, რომ ამ პატარა
წერილით არ ამოიწურება.
ამიტომ ამ ჟამად მე ამას არ გამოუდგები.
მაგრამ ვასო, როგორც პიროვნებაა საინტერესო, როგორც ფენომენი.
დიდი შფოთი, დიდი ღონ-ჟუანი, დაუდგომელი და მაღალი, ნერვიული ტემპერამენტის
მექანი ის პირველი ქართველი ბოჰემელია, სწორ-უზოვარი.
რა არ შეხვედრია, რა არ გადახედა, როგორ არ უცხოვრია.
იმიტომაც იფეთქა ლეგენდარულმა ეპიზოდებმა მისი სახელის გარშემო.
მეც მახსოვს ერთი მათგანი.
დიდი არაფერია, მაგრამ დიდი კაცის ლაპსუსიც კი შესამჩნევია და გული არ მითმენს, ამ
საზეიმო დღეს საჯაროთ არ დავაბეზლო ერთს პატარა ღონ-ჟუანობაში ჩვენი საყვარელი ვასო.
ვასოსთან ვარ ნომერში. უკვე შეღამებულია. ორნი ვართ მხოლოდ. ჩაით გამიმასპინძლდა
ვასო. უნდა გვახსოვდეს, რომ ვასო მშვენიერი მასპინძელია, იცის ეს ხელობა. საერთოთ
დიდი კულინარია.
ჩაიც მშვენივრათ დადგა. კარგი იყო.
„როგორია?—მეკითხება ვასო.
„დიდებული.
„ჰო და ამ ჩაის სვამს ჩინეთის ბოგდისანი, პოპოვი და მე.—წარმოსთქვა ვასომ თავისებური
მიმიკით.
გავიდა ხანი, ჟამი. გარეთ კოკისპირულ წვიმს. ვსხედვართ კვლავ ორნი, ემასლაათობთ.
ვასო აწრიალდა. ეტყობა საღლატ წასვლა უნდა, ან ვისმე მოვლის.
წასვლა დავაპირე.
„არა, არა, ქაჯან, ჩემთან უნდა წამოხვიდე. ერთად გავიდეთ.
მივდივართ. „უღმერთოდ ასხამს“.
ვმდუმარებთ. გაუხვიეთ ერთი ქუჩიდან, გაუხვიეთ მეორიდან.
„რანდევუზე მივდივარ, ქაჯან. შენ ყმაწვილი ხარ და, როდესაც ჩემ ბიოგრაფიას დასწერ
ეს ამბავიც არ დაგავიწყდეს.
ვიცინით.
აი მივალწიეთ დანიშნულ ალაგას. ჩამოხნელებულ სახლის წინ შევდევით.
„აქ უნდა დავიცადოთ, შალვაჯან. მალე ფანჯრის დარბაზი გაიღება და ჩემი სატრფო სანთელს
გააქანებს. ეს იმის ნიშანია, რომ შემოიძლია სახლში თავისუფლად შევიდე...“

დავიცადეთ. კარგა ხანმა განვლო. სანატრელი დარაბა არ იღება. არცა გვაქვს ქოლგა და
არც არის ისეთი რაიმე თავ-შესაფარი, რომ წვიმას ავერიდნეთ.
ძალზე გავიწუწუთ.

ვასოს მოუთმენლობა დაეტყო. უნდა გამოვტყდე ვერც მე ვარ გუნებაზე:
ეს ხანდაზმული რომეო კიდევ ჰო; გასაგებია ამ საშინელს თქეშში, მოვიდა მის ჯულიეტას-
თან. მის მოლოდინს დიდი საბაბი აქვს, მაგრამ მე ვილა ვარ. სირანო ბერჟერაკიც კი არა ვარ.
მხოლოდ მომავალ ბიოგრაფად მონათლული უბრალო შინაყმა.

ძლივს!

ეტყობა დარაბა გაიღო და სანთელი ნახათ მიმოქანდა წყვდიადში.

არ ვიცი რომელს უფრო აუფანცქალდა გული სუხარულით.

ორმოცი წლის ვასო ოცი წლის ჭაბუკივით გამოშა და დიდი სიმარდით გაქანებულმა მო-
მაძახა:

„არ წახვიდე, ქაჯან, დამიცადე!“

წარმოიდგენთ ჩემს მდგომარეობას.

ვასო იქ... მშვენივრად გრძნობს თავს და მე კი ნიაღვარი კისერში მცემს.

ბედის მორჩილი დიდხანს ვიდექ ქუჩაში.

კიდევ კარგი ქაქანება არ არის, ისეთი ამინდია. სულ გავილუმბე.

ძლივს, ძლივს... ცისიერი გაიცრია.

გამოდის ვასო. კარებში კიდევ ნაზი ხმაურობა მოისმის.

ძლივს ვარჩევ სიტყვებს ალერსისას.

ვასო სრული კმაყოფილი მოემართება.

შემხედა:

„ოჰ, შალვაჯან აქა ხარ!...“

დავაფიწყდი ბედნიერს.

და აი ეხლა ვასრულებ მის მაშინდელ ბრძანებას — ჩაგწერე ბიოგრაფიაში.

მეორეს მხრით სამაგიეროს ვუხდი ჩემი გაწუწვისათვის.

1922 წ. იანვარი.

ბ. ავაშიძე

ახალი საქართველო და ეროვნული შემოქმედება

I

ამ ორი წლის წინად ჩვენ შემთხვევა გვქონდა მოგვეთავსებინა ერთ-ერთ პერიოდიულ გამო-
ცემაში რამოდენიმე ფელეტონი ეროვნულ შემოქმედების შესახებ ასეთივე სათაურით. მაშინ
ჩვენ, ბრწყინვალე და დიადი იმედებით გამსჭვალულნი, იმ აზრს გამოვსთქვამდით, რომ ახალი
საქართველო ასოცი წლის მონობისა და მძიმე ბორკილების დამსხვრევის შემდგომ ახალ
სიტყვას, ძლიერ ეროვნულ შემოქმედებას წარმოშობს. ჩვენ გვრწამდა და დღესაც ამ რწმენით
ვსულდგმულობთ, რომ თავისუფალი საქართველო, დამოუკიდებელი ერი თავისუფალსა და
და დამოუკიდებელ შემოქმედების გზას დაადგება. მაშინ ჩვენ ვასაბუთებდით კიდევაც ამ დე-
ბულებას სხვა და სხვა ისტორიული მავალითებით, თეორიულის მოსაზრებით და ვამტკიცებ-
დით, რომ ეროვნული პესიმიზმი, რომლითაც გამსჭვალული იყო ჩვენში ხელოვნების ყველა
დარგი, მწუხარება და სევდა, რომელიც წარმოშობილ იქმნა სოციალურ პესიმიზმის ზეგავ-
ლენით ძლიერ იქნება, რადგანაც მწუხარება, ეროვნულ ჩაგვრით გამოწვეული, ხანმოკლეა
და ტანჯვა, სოციალურ უთანასწორობაზე აღმოცენებული, უღლეო, წარმატება.

დღესაც შეურყევლად ვადგევართ ჩვენ მიერ გამოთქმულ აზრს და გვინდა გაუზიაროთ მკით-
ხველ საზოგადოებას ის შთაბეჭდილებანი და განცდანი, რომელნიც ჩვენ მივიღეთ ამ ერთი



წლის განმავლობაში ეროვნულ შემოქმედების განვითარების პროცესის შესწავლის დროს, ჩვენს მიერ შეტანილი მუშაობის შედეგად დიდი ამბების მოწამენი შევიქენით ამ რამოდენიმე წლის განმავლობაში: შესამჩნევად შეიძლება ცვალოდეს წესწყობილება ჩვენი ქვეყნისა. ქალაქებმა და დაბებმა სულ სხვა სახე, იერი მიიღეს. სხვანაირად გამოიყურებიან თვით ქუჩები ჩვენი რესპუბლიკის დედა ქალაქისა. ამგვარმა გადატეხამ, რასაკვირველია, თავისი კვალი დააბრუნა ერის სოციალ-პოლიტიკურ ვითარებას: შეიცვალა ნივთები და სოციალური მდგომარეობა. მაგრამ ჩვენ ამ შემთხვევაში მოქალაქის სულიერი განცდა, ერის დღევანდელი სულის კვეთება უფრო გვინტერესებს ვიდრე წმინდა სოციალურ პოლიტიკური ხასიათის პერტრუბაციები.

რა შედეგი მოჰყვა შექმნილ მდგომარეობას? პასუხი ერთია: ეროვნული შეგნების გამტკიცება, ერის სასიცოცხლო ინტერესებისათვის თავდადება, თავისუფლების მტკიცედ შეგნება. აი, ის მთავარი, კარდინალური რეზულტატი, საფუძვლით რომ იბყრობს დღეს ყოველ ქართველს განუზრუნვლად მიმართულებისა და მდგომარეობისა.

ჩვენ ვიცით თუ რა ღირებულება აქვს, საზოგადოდ, ობიექტიურ პირობებს და რა შედეგები შეიძლება მოჰყვეს მის ცვალებადობას. ისიც საკმარისად გვაქვს გათვალისწინებული—თუ რა ბრძოლა სწარმოებს დღეს მსოფლიოში და რა ფარგლებში ვითარდება და მიმდინარეობს იგი გვახსოვს აგრეთვე ბრძნული სიტყვები დიდი გოეტის: „აღესეთ თქვენი გული და გონება, რაც უნდა საგრძნობი იყოს მათი სიდიდე, თქვენი საუკუნის იდეებითა და გრძნობებით და მხატვრული ნაწარმოების წარმოშობა არ დაიგვიანებს.“ და ჩვენც სწორედ ამ იდეებისა და გრძნობათა სამყაროს გვინდა დავეწაფოთ, რომლითაც ხასიათდება ჩვენი ხანა და ქართველი მწერლის თვალსაზრისით, საქართველოს მასშტაბით განვიხილოთ, დავუახლოვდეთ ამ საკითხს. „ნაციონალურის გზით—ინტერნაციონალიზმისაკენ“! ეს იყო ქეშმარიტი სიტყვა, გულიდან ამოღებული ზრახვა ჩვენი უკანასკნელი დროისა, და არა მარტო ეკონომიურსა და სოციალ-პოლიტიკურ საკითხებში, არამედ ხელოვნების საკითხშიაც.

მშობლიურ ნიადაგზე აღმოცენებულ წმინდა ხელოვნებით—მსოფლიო მოტივების მატარებელ ქეშმარიტ ხელოვნებისაკენ! დიადი ეროვნულ შემოქმედების გზით—უნივერსალურ, სამარადისო ხასიათის მატარებელ შემოქმედებისაკენ.

და მართლაც ხელოვნება, დაშორებული ეროვნულ ნიადაგს, მოკლებული ნაციონალურ სულის, მაჯის ცემას—უნიათა და ულახათა.

ქეშმარიტი ხელოვნება ერთსა და იმავე დროს ეროვნულიც არის და უნივერსალურიც და სწორედ ამაშია სიდიადე, ძლიერება ქეშმარიტი ხელოვნებისა.

შექსპირის „ჰამლეტი“ დანიელთა ცხოვრებიდან არის აღებული, მაგრამ ამასთანავე საკაცობრიო, უნივერსალური მოტივებიც ახასიათებენ მას.

„ფაუსტი“ გერმანელ ხალხთა ძლიერი სულის ნაჟურია, მაგრამ ამასთანავე მთელი კაცობრიობის საამაყო შემოქმედებაც.

შოთას „ვეფხისტყაოსანი“ ქართველ ხალხის გენიის გამჟღავნებელია, მასში არის ჩაქსოვილი ტემპერამენტი, ძლიერი სული და მტკიცე ნებისყოფა ქართველი ერისა, მაგრამ ამასთანავე საკაცობრიო, უნივერსალური ხასიათის მატარებელია იგი.

ასეთია ერთად-ერთი გზა თავისუფალ ხელოვნებისა, ასეთია მისი დამახასიათებელი თვისებები და ამგვარი გზა უნდა აირჩიოს ჩვენმა ხელოვნებამაც.

საქართველოს მუსიკა

საქართველო

დანტეს საზეიმო ხუთშაბათი. სდ. საქ. მწერალთა კავშირის საბჭომ ხუთშაბათს საღამოს, იანვრის 12-ს გამართა ალიგიერი დანტეს გარდაცვალებიდან ექვსასი წლის შესრულების გამო საზეიმო ხუთშაბათი (მერვე). მოწვეული სტუმრებით სავსე დარბაზი. ყველას ყურადღება მიპყრობილია ალიგიერი დანტეს სურათზე, რომელიც ამ საღამოსთვის დახატა მხატვარმა შარლემანმა. საღამოს ხსნის პოეტი გრიშაშვილი. კ. აბაშიძე კითხულობს ა. დანტეს ბიოგრაფიას. ახასიათებს დანტეს ეპოქას. ლეო ქიაჩელი ეხება დანტეს წინა ეპოქის ტრუბადურების პოეზიას. ბოლო სიტყვა: კოწია გამსახურდია აღნიშნავს რომ ეს პირველი შემთხვევაა, როცა საქართველოში ევროპიელი პოეტის იუბილარული საღამო იმართება. დანტე პირველი პოეტია ევროპული დასავლეთისა. იგი ეხება იტალიურ რენესანსს და მის წინამორბედს დანტეს. მის Vita nuova-ს და Divina Comedia-ს აღნიშნავს წარმართულ ბერძნულ და ქრისტიანულ მისტიურ ელემენტს დანტეს პოეზიაში. შემდეგ ახასიათებს დანტეს როგორც მისტიკოსს. საღამო 1/210-ზე დასრულდა.



წიგნებისა და ჟურნალების გამოფენა. პოლიტექნიკურ ინსტიტუტში ამჟამად გამართულია გამოფენა წიგნებისა და ჟურნალებისა, რომელიც კი ამ მოკლე ხანში გამოსულა საქართველოში. **ეროვნული ჰაზირა.** გარდაიცვალა სახალხო მეოსანი ჰაზირა.

ვასო აბაშიძის ბიოგრაფია. გამოვიდა შალვა ამირეჯიბის მიერ შედგენილი ბიოგრაფია ვასო აბაშიძისა. **რუსთაველის თეატრში.** ვ. აბაშიძის საუბილეო კომიტეტის უკანასკნელ სხდომაზე დადგენილ იქნა: საზეიმო სხდომა მოეწყოს დღით 12 საათიდან, ხოლო საღამოთი წარმოდგენილ იქნება გ. ერისთავის პიესა „გაყრა“ თვით იუბილიარისა და განსაკუთრებით ჩვენი დამსახურებული მსახიობთა მონაწილეობით.

ბანკეტი. ვასო აბაშიძის იუბილეს დღეს, იანვრის 15-ს, საღამოს წარმოდგენის შემდეგ გაიმართება საზეიმო ბანკეტი იუბილიარის საპატივცემლოდ. მსურველთ წინასწარ უნდა ჩაეწერონ რუსთაველის თეატრში.

ვასო აბაშიძის იუბილე გრანდიოზულ ხასიათს იღებს. საიუბილეო კომიტეტს დღემდე მრავალი ცნობები მოსდიოდა, როგორც ადგილობრივ სხვა და სხვა ორგანიზაციებისა და დაწესებულებისაგან, ისე პროვინციის ქალაქებიდან, რათა საშუალება მისცემოდათ მსურველე მონაწილეობა მიეღოთ მსახიობის დღესასწაულში.

მხატვარმა ჭიაურელმა დაასრულა ვასო აბაშიძის ქანდაკების ჩამოსხმა, რომელიც დღეს იანვრის 15-ს დადგმული იქნება რუსთაველის თეატრში თვალსაჩინო ადგილას.

მხატვარმა ვ. სადიშინ-ერისთავმა იუბილეს დღისათვის დაამზადა ვ. აბაშიძის სურათები როლებში.

სრულიად საქართველოს მწერალთა კავშირმა დაავალა საბჭოს წევრებს ია ეკალაძეს და კოწია გამსახურდიას მიულოცონ მწერალთა კავშირის სახელით ვასო აბაშიძეს 50 წლის სტენაზე მოღვაწეობა.

მეცხრე ხუთშაბათი. ი. გრიშაშვილი. ჰაზირა.

უცხოეთი

ფლობერის ძეგლი. დაბადებიდან (12/XII 1821 წ.) ასი წლის აღსანიშნავად 1921 წ. დეკემბრის 12-ს პარიზში დიდის ზეიმით აკურთხეს ფლობერის ძეგლი, სიტყვები წარმოსთქმეს სხვათა შორის მწერალთა საზოგადოების სახელით ედმონდ ჰაროკურმა, ხოლო ფრანგ რომანისტების სახელით პოლ ბურჟემ.

გერმანელ პოეტების პასუხი ვერსალს. ასეთი სათაურით გამოვიდა გერმანელ პოეტების წიგნი, რომელშიაც გამოცხადებულია პროტესტი ვერსალში მიღებულ სამშვიდობო პირობების წინააღმდეგ.

პიერ ლოტის ახალი რომანი. ცნობილმა ფრანგმა რომანისტმა პ. ლოტიმ კიდევ აღიმალა ხმა ოსმალეებისა და ისლამის სასარგებლოდ. გამოიცა მისი უკანასკნელი წიგნი ამ საგანზე — „Suprêmes vision d'Orient“.

ფრანგ პოეტების ანთოლოგია შედურ ენაზე. გრაფ ეპრენსვანდმა დაამთავრა საფრანგეთის პოეტების თარგმანი. მისი წიგნი შეიცავს საფრანგეთის პოეზიას ანდრე შენიეიდან ვერლენამდე.

მოლიერის 300 წლის იუბილე. საფრანგეთის სენატმა გახსნა 100.000 ფრან. კრედიტი მოლიერის დაბადებიდან (1622 წ.) 300 წლის აღსანიშნავად.

გაბრიელ დაუნციოს წერილი ამერიკულ გაზეთებში. იტალიელ გაზეთების ცნობით გაბრიელ დაუნციომ წერილი დაბეჭდა ამერიკულ გაზეთებში გაშინგტონის კონფერენციის შესახებ. ამ წერილში იტალიელი მწერალი ჰეიკსავს დიდიბრიტანეთის პოლიტიკას და უარყოფს გაშინგტონის კონფერენციის მნიშვნელობას მსოფლიო მშვიდობიანობის დამყარების საქმეში.

იყო თუ არა დანტე პარიზში. ფრანგი მწერალი გაბრიელ მოგენი „Revue de France“-ში ახალი საბუთებით ამტკიცებს, რომ ალიგიერი დანტე იყო პარიზში მისი ფლორენციიდან გაძევების ხანაში და ისმენდა თეოსოფიის და ფილოსოფიის ლექციებს.

პოლ ადანის ბიოგრაფია და კრიტიკა. საფრანგეთში გამოიცა კამილ მოკლერის ახალი წიგნი: პოლ ადანის ბიოგრაფია და კრიტიკა.

ნობელის პრემიის კანდიდატები. დოიციშე ალგემიან ცაატუნგი სწერს: უახლესი ნობელის პრემიის კანდიდატებად წარდგენილ არიან: ინგლისელი რომანსიე თომას ჰარდი, ინგლ. დრამატურგი ჯონ გალს ვორზ, ბერნარდ შოუ, გერმანელი რომანსიე თომას მანი, დანიელი ლიტერატორი გეორგ ბრანდესი, ფრანგი ფილოსოფოსი პ. ბერგსონი, პაულ კლოდელ და რომანსიე მარსელ პრევი.

დანტეს საღამო ბერლინში. ოქტომბრის დამლევს ბერლინში დანტეს 600 წლის იუბილიერულ საღამოზე ღრმად ნაგრძნობი სიტყვა წარმოსთქვა დოქტ. ვ. ლაჰაუზენმა. მანვე წაიკითხა ადგილები ღვთაებრივი კომედიიდან. დ. ალგ. ცაატ. ცნობით საღამო უჩვეულო ენტუზიაზმით ჩატარდა.

გერმარტ ჰაუპტმანს დაუწერია ახალი ტრადიკომედია: პეტერ ბრაუერ.

ვილდა ფალკონიერი. ვილდა ფალკონიერი უმშვენიერესი ხელოვნების სასახლეა რომის ახლოს. იგი გაშენებულია მე 16 საუკ. პაპა პავლე მე III კარდინალის ალესანდრო რუფინის ხელმძღვანელობით, ამ ვილაში მოთავსებული იყო უძვირფასესი ხელოვნების საუფუნი. უკანასკნელად აქ ცხოვრობდა გერმანელი პოეტი რიჰარდ ფოსი, რომლის რჩევითაც გერმანელმა ბანკიერ მანდელსონ ბარტოლდომ შეიძინა იგი. ომის დროს იგი სექსესტრალური წესით მიითვისა იტალიამ. ირკვევა რომ ეს ძვირფესი სახალე ამიერიდან იტალიის ხელში დარჩება. (დ. ა. ც.).

რედაქტორი:

სარედაქციო კოლეგია

გამომცემელი:

სრულ. საქართ. მწერალთა კავშირი

713/9

[10-]

30

3 მარტი



32